

錦繡萬花谷別集

錦繡萬花谷別集卷之二十一

○佛教類

傳燈

杜羣牛頭寺詩傳燈無白日註云釋書以燈喻法謂非破暗也六祖相傳一法故云傳燈故釋書有傳燈錄

依迦葉

杜秋日詠懷詩本自依迦葉何曾藉倖任註云六迦葉佛大弟子也倖任仙人名

地獄正為異人設

唐傳奕上疏極詆浮圖法南瑀曰佛聖人也非聖人者無法請誅之奕曰禮始事親終事君而佛逃父出家以匹夫抗天子以無歸所親瑀非出空桑乃尊其言蓋所謂莽考無

親瑤不答但合爪曰地獄正爲是人設矣

昏衢巨燭

杜上堦率寺詩白牛車遠近且欲上慈航按清凉禪師序般若心經云般若者苦海之慈航昏衢之巨燭也

堦率天給孤園

杜上堦率寺詩堦率知名寺註云佛書有堦率天宮故取以名寺又堦率寺詩時應清盟罷隨喜給孤園註云釋書有給孤園又有給孤長者

譬如龍象

杜山寺詩前佛不復辨百身一每舌唯有古殿存世尊多塵埃如聞龍象江足今信者哀註云維摩經云菩薩勢力譬如龍象

裸顯露足

唐李蔚贊曰人之惑怪神也甚哉若佛者特西域一槁人耳
裸顛露足以乞食自資種羣其身昇營山樊行一際之行本
無求於人徒屬稍二從之然其荒茫漫靡夷幻變現蓋推不
驗無實之事以鬼神死生貫為一條大抵與黃老相出入

白黑業

杜夜聽許十誦可云業白出右壁趙註云佛經以美業為白
惡業為黑達磨言曰當勤修白業又補註云白業出楞嚴經
又法華經云一切衆生作黑業者黑業相續作白業者白業
不斷

多羅樹蓮華臺

杜山寺詩吾知多羅樹却倚蓮華臺

布地金

杜鵑又公上方詩長有自布地註云給孤長者以黃金布

于祇園地又望牛頭寺詩云布地有黃金

以海水入一毛孔

維摩經云以四大海水入一毛孔不撓魚鱗重累而被大海本相如故

舒五指為獅子

涅槃經曰阿闍王令醉象蹋佛二舒五指遂為五獅子醉象惶懼而退

繫象樹

酉陽雜俎云乾陀國頭河岸有繫白象樹花葉似桑柔之方獸相傳此樹戒佛法亦戒

西縛提

酉陽雜俎云波斯屬國有阿耨荼國城北大林中有伽藍音佛於此聽比丘著西縛提西縛此言繫也

佛頂骨

酉陽雜俎云那揭羅曷國城東浴中有佛頂骨周二尺欲知
善惡者以香塗即骨其迹煥然善惡相悉見

得金人之神

韓佛骨表註云漢武故事曰昆邪王殺休王以其衆來降得
其金人之神上遣之日泉宮人者皆長丈餘其祭不用牛羊
唯燒香禮拜上使依其國俗祀之此神全類於佛蓋當漢武
時其經未行於中土但以神明事之耳

毀銅佛鑄錢

五代周世宗即位之明年廢天下佛寺三千三百三十六是
時中國乏錢乃詔悉毀天下銅佛像以鑄錢嘗曰吾聞佛說
以利人爲急使其真身尚在苟利於世尚欲割截况此銅像
豈其所惜哉

僧類

志公錫

圖經舒州潛山最奇絕而山麓尤勝志公與白鶴道人欲之
同諒於梁武帝二以二人悉具靈通便各以物識其地得者
居之道人云其以鶴止處為記志公云其以卓錫處為記已
而鶴先飛去至麓將止忽聞空中錫飛去志公之錫遂卓于
山麓道人不憚然以前言不可食遂各以所識室聚焉杜詩
云錫飛常近鶴

茶毗一箇僧

墨客揮犀云東坡夜宿伯曹溪借傳燈錄讀燈花墮卷上燒一
僧字即以筆記于忽聞曰曹溪夜岑寂燈下讀傳燈不竟燈
花落茶毗一箇僧

僧之董狐

酉陽雜俎云魏李素善佳動至梁同泰寺主客王兄舍人智度等友及三僧迎門引接至後園中佛傍有執茶者僧謂素曰此是尸頭專記人罪素曰便是僧之董狐

萬迴

酉陽雜俎云僧萬迴年二十餘見惡不語其兄戊遼陽久絕音問或傳其死其家爲作齋萬迴忽卷餅如大言曰兄在我將饋之出門如飛馬馳不及二暮而還得其兄書紙封信嚴計往返一日萬里因號言萬迴

口道恒河沙

李白贈伽歌直續法號二僧初有時與我論三車問言謂况幾千遍口道恒河沙復沙此僧本姓南宗云爲法頭陀來之國戒得長天秋月明心如畫上青蓮已意清淨覺後三三三亦不增悲喜年年舍利骨手中萬歲胡然勝等云客居一任

卷之三 詩經

THE UNIVERSITY OF CHICAGO

李太白詩集和而西又鳳凰開九苞之靈應三皇時方象之文結聖
聖中純聖則本義以從神運龍家以駭鴻臚焉大人之列蓋知
善無私而後知其日不夜無非者大塊之德也蓋知一而一寸
善無私而後知其日不夜無非者大塊之德也蓋知一而一寸

五事以類

三、經部

911

[illegible]

天美堂

馬曹軍備全功可致安志及大業

卷之三

卷之三
一、
二、
三、
四、
五、
六、
七、
八、
九、
十、

[illegible]

蘇州府志

神仙類

倭仙

列仙傳倭仙提里採藥父也食松實飛翮生毛數寸能飛行捷走又揚雄甘泉賦雖方征僑與倭仙方由彷彿其若夢師古曰征僑姓征名伯僑倭仙人名倭音邊倭音銓方並行也

彭祖僑松

王褒頌何必偃仰誦信若彭祖呼吸如僑松眇然絕俗離世哉註云彭祖堯舜時人列仙傳彭祖殷大夫歷夏至商末號年七百僑王僑松赤松子皆仙人信讀曰伸句計子反

天台山採藥

續齊諧記漢明帝永安十五年中剡縣劉晨阮肇入天台山採藥迷失道路糧食乏盡望山頭有一桃樹共取食之下

山得澗水飲之又望見臺青萊從山腹出又有一杯流出中有胡麻飯屑一人相謂曰去人不遠因過水行一里又度一山出大溪見二女顏容絕妙復喚劉阮姓名如有交舊因問來何晚也邀過家廳館服飾無不精華東西各有床帳帷幔七寶瓊瑤左右直悉青衣部無男子須臾下胡床飯山羊脯食之甚美又設甘酒又有數仙客將桃至云來處女皆各出樂器歌調作樂日暮仙女各還去劉阮就所邀女家止宿言談向美行夫婦之道駐留十五日求還女荅曰今來此皆是宿福所招得與仙女交接流俗何所樂遂住半年天氣常如三二月百鳥哀鳴求歸甚切女曰罪根未滅使君等如此喚諸仙女歌吹以送劉阮從小洞口去不遠至天道隨其言得還鄉並無相識鄉里怪異其驗得七代子孫傳聞上世祖翁入山不出不知何在至太康八年失二人所在

釣銅盤得魚

神仙傳左慈字元放孝道術尤明六甲能役鬼神坐致行厨
精思於天柱山中得石室九丹金液經曹操聞而召之閉一
室中斷穀食日與二升水暮年出之顏色如故操嘗會賓顧
衆曰珍羞俱備所少吳江鱸魚耳慈求銅盤貯水以竹竿釣
須臾引鱸出操曰一魚不周坐席慈更餌鉤沉之復引出皆
三尺餘操贈之恨無蜀薑慈曰易得操遂取之因曰吾日前
遣人到蜀買錦可報今增二端語頃即得薑還并獲使報命
後返驗問增錦之狀若符契也

樓居

漢郊祀志公孫卿曰陛下可爲館如緱氏城置脯棗神人宜
可致且仙人好樓居於是上令長安作飛簾桂館甘泉作益
壽延壽館使卿設具候神人乃作通天臺將招來神仙之屬

食栢

杜工部詩翠栢古猶食註云仙人倭佺食松栢之實

食霞

楚辭云食六氣而飲沆瀣漱正陽而食朝霞註云陵陽子明經云春食朝霞者日始出赤氣也

浮丘洪崖

選郭景純游仙詩左挹浮丘袖右拍洪崖肩借問蜉蝣輩寧知龜鶴年列仙傳云浮丘公接王子喬上嵩高山又衛叔卿與數人博其子曰向與博者爲誰曰是洪崖先生

鸞崗鶴嶺

豫州記曰洪井西有鸞崗云洪崖先生乘鸞所憩處也鸞崗西有鶴嶺云王子喬控鶴所經處也

綵閣椒庭

選升天行風餐委柏宿雲卧恣天行冠霞登彩閣解玉飲椒
庭暫游越萬里近別數千齡鳳臺無還駕簫管有遺聲註云
解玉佩去仕也綵閣椒庭皆仙居也

騎龍去太上家

李白飛龍引云黃帝鑄鼎於荆山鍊丹砂丹砂成黃金騎龍
飛去太上家雲愁海思令人嗟又云紫皇乃賜白兔所擣之
藥方後天而老周三光

陵三山態五嶽

李白來日大難云仙人相存誘我遠李海陵三山陸態五嶽
乘龍上三天飛目瞻兩角授以神藥金丹滿握

麻姑搔背

李白西岳雲臺歌云雲臺閣道連窈冥中有不死丹丘生明
星玉女備羅裾麻姑搔背拍瓜輕

目雲食石髓

李白白毫子歌云淮南小山白毫子乃在淮南小山裏夜卧松下雲朝食石中髓

嵩山焦鍊師

李太白贈嵩山焦鍊師詩序云高丘有神人焦鍊師者不知何許婦人也又云生於齊梁時其年貌可稱五六十常胎息絕穀居少室廬遊行若飛倏忽萬里世或傳其入東海蓬萊竟不能測其往也詩云時餐金鵝藥屢讀黃庭篇八極恣遊憩九垓長周旋下瓢酌潁水舞鶴來伊川還歸空山上獨拂秋霞照羅月掛朝鏡松風鳴夜絃

十二樓五城

李太白贈江夏韋太守詩天上白玉京十二樓五城仙人撫我頂結髮受長生

觴西王母乎瑤池

穆天子傳周穆王觴西王母乎瑤池上西王母爲天子誥曰
白雲在天山陵自出道里疲遠山川間之將子無死尚能復
見天子荅曰予歸東土和治諸夏萬民平均吾顧見汝比及
三年將復而野

崑崙丘

杜詩註周穆王西征至崑崙丘見西王母止之崑崙一曰玄
圃一曰積石瑤房一曰閼風臺一曰華蓋一曰天柱皆仙人
所居

吹笙作鳳鳴

劉向列仙傳云王子喬周靈王太子晉也好吹笙作鳳鳴遊
伊洛間道士浮丘公接上嵩山三十餘年後夾於山上下台桓
稭曰告我家七月七日待我緱氏山頭果乘白鶴駐山頂望

之不得到奉手謝時人而去

蕭史鳳臺

列仙傳蕭史秦女弄玉之夫也教弄玉吹簫作鳳凰鳴而作鳳臺於其上一旦夫妻皆隨鳳仙而去

竹杖化龍

後漢書長房曾為市掾市中有老翁賣藥懸一壺於肆頭及市罷輒跳入壺中人莫之見惟長房觀之異焉遂隨從入深山長房辭歸翁與一竹杖曰騎此任所之則自至矣既至可以杖投陂中也又為作一符曰以此主地上鬼神長房棄杖須臾來歸自謂去家經旬日而已十餘年矣即以杖投陂顧視則龍也

金翅鳥啗芝

酉陽雜俎云李道三年不倦天下金翅鳥銜芝之至

服元和除五穀

中皇經曰但服元和除五穀必獲家天得其錄註云服元和謂咽津液又黃庭經曰口爲玉池太和官嗽咽靈漿火不忤又杜詩云暮把東皇衣燕漱元和津

蘇仙翁

袖仙傳蘇仙翁名耽忽辭母去母曰使我如何存活仙翁曰明年天降疫疾庭中水簷邊摘樹下可以代養

鞭答爲鳳

韓古詩豈如散仙鞭答爲鳳終日相追陪

閭苑

類說云閭風苑王母所居也

王喬負三

王氏神仙傳云益州北平山上有白蝦蟇謂之內之非仙才

靈骨真能致也王喬食之得道王喬有子有王子晉王喬有
茶令王喬令食之王喬乃蜀中神仙也

南嶽赤腳仙人

括異志云樂史爲西京留臺御史嘗夢帝命召俄見宮闕壯
麗帝曰而主求嗣吾爲擇之少選一人至帝曰中原求嗣汝
往勿辭頓首祈免者再帝曰往哉遂唯而去旁立者曰此
南嶽赤腳李仙人也常酣于酒明年果生仁宗

駕龍升泰清

太原真人茅盈內紀曰始皇二十一年九月庚子盈曾祖父
蒙乃於華山之中乘雲駕龍曰日升天先是其邑謠歌云神仙
得昔茅初成駕龍上升入泰清時下玄州戲赤城繼世而往
在我盈帝若孝之臘嘉平始皇聞謠歌而問其故父老具對
此仙人之謠歌勸帝求長生之術於是始皇欣然乃有桑仙

之志因改臘曰嘉平

道士類

鵝冠子

韓讀鵝冠子云鵝冠子十有六篇其詞多雜黃老刑名註云
鵝音曷楚人居深山以鵝爲冠故曰鵝冠子班固曰道家者
流

割龍耳

韓愈道士詩煩君自入華陽洞直割垂龍左耳來茅君傳云
三十六洞第八勾曲洞名華陽洞天

華山女

韓文華山女兒家奉道欲驅異教歸仙靈洗粧拭面著冠帔
白咽紅頰長眉青又云玉皇領首許歸去垂龍駕鶴來青真
非癡非狂

韓文非癡非狂誰氏子去入王屋稱道士白頭老母遮門啼
挽斷袖衫留不止翠眉新婦年二十載送還家哭穿市或云
欲李吹鳳笙所慕靈妃媿蕭史

金門羽客

廬山記云保大中道士譚紫霄賜號金門羽客

黃冠子

唐李淳風父播仕隋棄官為道士號黃冠子

詩

相携同上小茅壇已有凌虛舊羽翰竹徑荒苔蒼苔無俗客數聲
琴調一爐丹燒存中丹客詩梳了朝衣卸了冠宦情公何夢
魂間因尋太上長生訣偶到青城入面山土木形容殺七七
水雲情性許閑閑身中火藥無人會此藥從來便駐顏張蘭
英贈龐道者弃官修道採藥壺公處處過笑看金狄手擎藥

老人大父識君久造物小兒如子何寒盡山中無曆日雨邪
江上有魚叢神仙護短多官府未厭人間醉踏歌蘇軾贈梁
道人頭戴鹿胎皮身拂鶴氅衣月寒丹井立霜白醺壇歸靈
訣開黃卷仙燈照紫微抱琴來訪我醉跨彩鳶飛陳元老酒
樂生來性丹回老去顏顏魯公不獨世人驚驚換骨也曾王母怒
偷挑明朝別我歸何處笑指三山碧浪高龍吟

錦繡萬花谷別集卷之二十二

鬼神類

竈神形見

後漢陰興傳初宣帝時陰子方至孝膺日晨炊而竈神形見子方再拜受慶家有黃羊因以祀之自是暴富田有七百餘頃子方常言我子孫必將強大至三世而遂繁昌故後常以膾日起竈而薦黃羊焉

天使燒歷竺家

搜神記歷竺嘗從洛陽乘車歸未至家十餘里見一婦人求寄載臨別曰我是天使往燒東海歷竺家今已寄君車又不可不燒君但速歸我當緩來竺乃歸家收資物至日中果然火發

死虛生實

三十國春秋曰中牟令蘇韶卒後從弟節見韶乘馬盡日而行著黑介憤黃絲單衣節因問幽冥之事韶曰死者爲鬼俱行天地之中在人間而不與生者接顏回卜商今見爲僂文郎死之與生略無有異死虛生實此有異尔言終而不見

夜宿王弼冢

晉陸雲嘗行追宿故人家夜暗迷路莫知所從忽望草中有火趣之至一家寄宿見一少年美風姿共談老子辭致深遠向曉辭去行十許里至故人家云數十里無人居雲意始悟却尋昨宿處乃王弼冢雲本無玄文自此談老殊進

乘雲御龍

莊子曰藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍以遊乎四海之外

與水神閼

華陽國志秦孝文王以李冰爲蜀守金湓南安觸山脇湓崖水漂疾破害舟舡冰發卒鑿平崖通正水道或曰冰鑿崖時水神怒冰乃持刀入水中乞神閼迄今蒙福

又杜詩注

葬骸骨絕哭聲

後漢陳寵先是洛縣城南每陰雨常有哭聲聞於府中積數十年寵聞而疑其故使吏案行還言世衰亂時此下多死亡者而骸骨不得葬僅在於是寵愴然即勅縣盡收斂葬之自是哭聲遂絕

蒼水使者

搜神記曰秦時有人夜渡河見一人丈餘手橫刀而立叱之乃曰吾蒼水使者也又吳越春秋云禹登衡岳以祭夢見赤繩衣男子稱玄素蒼水使者曰聞帝使文命于斯故來候之

神人鞭石

秦始皇作石塘欲過海看日出處有神人能驅石下海石去不速神輒鞭之石皆流血

山祇水若

選顏延年三月二日侍遊何曲後湖詩山祇蹕嶠路水若警滄流山祇山神也水若水神也

神奈蠻壘

文選註云神奈蠻壘竟第二人能執鬼度朔山鬼所出入處山上有桃樹二人於桃樹下閱百鬼無道理者縛以葦索而飼虎

蔡亭文鬼

後漢王恽音純除郢令到官至蔡音台亭二長曰其前鬼數殺過客不可宿恽曰仁勝凶邪德除不祥何鬼之盛即入亭

宿夜中聞有女子稱冤之聲恠呪曰有何枉狀可前求理乎
女子曰無衣不敢進恠便投衣與之女子乃前訴曰妾夫為
活今之官過宿此亭二長無狀枉殺妾家十餘口埋在樓下
悉盜取財貨恠問亭長姓名女子曰即今門下游徼者也恠
曰汝何故數殺過客對曰妾不得白日自訴每夜陳冤客輒
眠不應故殺之恠曰當為汝理勿復殺良善也因解衣於地
忽然不見明日乃召游徼詰問悉伏辜於是亭遂清安

烏鬼

杜遺悶詩異俗吁可怪斯人難並居家二養烏鬼頗二合黃
魚師註云按沈存中筆談峽人謂鸛鵒為烏鬼以純黑其頸
使之捕魚此說非也楚人信巫以烏為鬼耳元稹詩曰廣養
烏緝鬼巫占危代龜註南人染病競養烏鬼楚巫列其悉
瓦卜養當讀為供養之養又黃氏補註云烏鬼有四說曰鸛

鵲曰豬曰老烏曰烏蠻鬼沈存中筆談黃朝美細素雜記胡
元受叢話曰鵲鵲馬永卿懶直錄漫更詩話曰豬程泰之演
繁露書虎臣漫錄曰老烏神供竟範冷文月夜話邵公濟聞見
錄嚴敦常藝苑雌黃曰烏蠻鬼余嘗評之若是養鸛鵲與豬
則未爲異俗可怪當是養鬼無疑

夢與神女遇

宋玉神女賦序云楚襄王與宋玉游於雲夢之浦使玉賦高
唐之事其夜夢與神女遇明日白玉曰晡夕之後精神恍惚
若有所喜紛擾二未知何意日色鬢鬢衣若有記見一婦
人狀甚奇異寐而夢之寤不自識因芳不樂張尔失志於是
撫公定志復見所夢玉曰狀若何也王曰其始來也耀乎若
白日初出照屋其少進也皎若明月舒其光頃更之間美貌
橫生輝乎如花溫乎如燦五色並馳不見殫形詳而觀之奪

人目睛其盛飾也則羅綺綺縠盛文章極服妙絲照萬方振
綉衣被挂首圭常纓不組纖不長步裔二方曜殷堂忽考改
容婉若游龍乘雲翔若此盛矣試爲賦之

屏上婦人踏歌

酉陽雜俎元和初有一士人因醉卧廳中及醒見古屏上婦
人等悉於床前踏歌二曰長安女兒踏春陽無憂春陽不斷
腸舞袖弓腰渾忘却蛾眉空帶九秋霜其中雙鬟者問曰如
何是弓腰歌者笑曰汝不見我作弓腰乎乃反首舉足地腰
勢如規焉士人驚懼因叱之忽然上屏亦無其他

洛神

伏羲女溺於洛水爲神曰宓妃曹植洛神賦云其形也翩若
驚鴻婉若游龍榮曜秋蘭華茂春松鬋鬋芳若輕雲之蔽月
飄飄二方若流風之迴雪遠而望之皎若太陽升朝霞迫而

之灼若芙蓉出綠波纖纖得中脩短合度肩如削成腰如束
素延頸秀頤皓質呈露芳澤無加鈿華不御雲鬢我二脩眉
聯娟丹唇外朗皓齒內鮮明眸善睐獻高輔承摧瓊姿豔逸儀
靜鮮閑素情綽態媚於語言披羅衣之璀璨珥瑤草之華裾
戴金翠之首飾綴明珠以曜軀踐遠遊之文履曳霧縠之輕
裾

若敖氏之鬼

左宣四年初楚司馬子良生子越椒子文曰必殺之是子也
熊虎之狀而豺狼之聲弗殺必滅若敖氏矣子良不可子文
以為大憾及將死且泣曰鬼猶求食若敖氏之鬼不其餒而
秋楚乎滅若敖氏

海神為祟

北史高昇傳神武起兵於陽虛曹自剡入海島得長人骨以

驅龍為馬身長丈六尺以為二稍送其一於神武諸將言
能用者為樂在文王未幾為國聲聞於外巫言海神不
樂遂卒

天兵

山海經云朝陽之谷有神曰天兵是為水伯虎身人面八手
八足八尾青黃色又見杜光庭詩三

犀用照見水族

晉溫嶠至牛渚磯傳言水深不可測乃擊犀角照之見水族
奇怪或乘黑馬至夜夢人謂曰與君幽夢更隔何事見此
惡之未幾卒

顓頊子為疫鬼

漢舊儀云顓頊氏有三子亡而為疫鬼一居江水為鬼一
居若水為鬼一居宮室為鬼一居人宮室為鬼一居人小兒

吐與魑魅爭光

幽明錄熱康燈下彈琴忽一人長丈餘著黑單衣革帶康就視乃吹火滅曰吐與魑魅爭光

人言鬼可憎

幽明錄阮德如嘗登廁見一鬼長丈餘色黑而眼大著白單衣平上幘相去咫尺德如心安坐至笑曰人言鬼可憎果然如是鬼振而退

物怪類

玄陰池

宣室志有人見群黿浴水中問之曰此玄陰池也又曰黿越可聽吾徒之梵音於是合聲而噪乃群蛙也

蟾蜍

同前蟾蜍骨化一白衣美丈夫自言齊人曹氏子

居士金精

宣室志韋惠玄求鍊金之術一日有居士辛銳來謁病瘳瘳血且甚韋方會食居士弱於筵上客怒皆起銳亦告去忽不見因視其溺乃紫金收光采粲然客有解者曰居士金精也驗其名氏信矣

七聖畫

同前畫光祿寺有聖化殿長安謂之七聖畫初裴駉字有少年誦詩曰某兄弟七人畫畫廳壁論工儒畫之七人許敬宗至此去七日慎勿啓門信從其語凡六日開然無所見意其怪遂發其封忽有七鶴空中飛去遂遣使往西國准西北未意後畫工見之驚曰神妙筆也

許持為妖

同前建中末獨孤子至者泊舟淮西月夜拂寺有一大天一

人身長黑不稱姓甲名侵計第五 人身短青衣姓曾名元
黑衣者曰曾之先本靈氏少以剛勁開元物有滯而不通者
必侵犯以計解之時曾謂我為侵計後遇仇易姓甲所以此
處吾素精藝術而升降上下即假手於人吾有舅氏起居未
嘗不惧曾元曰吾聞唐氏之後也受姓於姚曾者其子孫以
字為氏故為曾氏吾素褊躁負氣凌上遭下流沸騰之謗吾
笑性堅正赴湯蹈火罔人之多語未卒二僧歸二人訖去不
見我乃悟曰曾元豈非詭乎文以丑附曾詭字也名元者以
丑中之畫致元字之上甲侵計者豈非鐵符乎以午附木杵
字也甲者東方甲乙木也第五者亦假金字也侵計者謂為
金鐵二附金鐵字也知而變焉得非詭及鐵杵耶明曰曾亦
朽壤中得一鐵杵又一詭

衆花之精

博異志崔玄微月夜有青衣引女伴曰楊氏李氏陶氏又絳衣小女曰石醋醋又報封家十八姨來言詞泠泠有林下風氣色皆殊絕芳香襲人醋醋曰女伴皆住苑中每被惡風所撓常求十八姨相庇處士每歲旦與作一朱幡上圖日月五星立苑之東則免難矣今歲已過請此月二十一日立之崔許之其日立幡東風刮地折樹飛花而苑中繁花不動玄微乃寤衆花之精醋醋石榴封家姨乃風神也後楊氏董來謂各裹桃李花數斗服之可以却老某等亦長生至元和初玄微猶在年可三十許

鼉怪

括異志潭州樂平橋港有鼉爲怪多食人歲有溺死者市民姓者弟溺死求屍不得因刺掌血作章夜醮而焚之夜夢至一處若大府有數吏鐵索繫一物長數丈加龍而一角目光

知電有頃一人下殿呼曰江鼉肆暴枉害平人決鐵杖一百
處死李某不合以掌血腥穢上瀆高真宜付玉碩決臂杖十
五後數年王碩知潭州李坐遺火伏罪

湖中見舡

同前徐禧學士舟次彭蠡湖面白霧四起見二朱漆巨舟旌
旗赫奕搖櫓者肅而不譁相去百餘丈而逝又見朱艦間以
金碧相踵而去又見二白艦載甲士數千戈戟森列尾三舟
而行舡遠而益小

茅處士叱鬼

括異志劉燁侍郎有別第在襄陽燁卒長子庫部又卒乃鬻
其第爲茅處士所得夜聞呼曰庫部來俄一人頂帽從數鬼
叱茅曰我第尔何敢據速出無賈禍也凡三夕至其聲愈厲
茅叱曰尔昔爲人今爲鬼矣尚恃貴氣敢尔耶我若曠居尔

第宜迫我出尔子不肖不能保有先人舊廬舊貨於我尚敢
逐我耶言訖返叱令速出鬼遂遁去

錦繡萬花谷別集卷之二十一

錦繡萬花台別集卷之二十三

夢寐類

夢遊華胥國

列黃帝晝寢夢遊華胥氏之國既寤怡然自得天下大治幾若華胥之國

夢帶印綬登樓

後張奐爲武威太守其夜懷孕夢帶魚印綬登樓而歌訊之占者曰必將生男復臨茲邦命終此樓既而生子猛以建安中爲武威太守殺刺史邯鄲商州兵圍之急猛耻見擒乃登樓自燒而死卒如占云

夢書白駒字

唐杜牧夢人告曰尔應名畢復夢書成二白駒字成而次

裂牧曰不祥也乃自爲墓誌悉取所爲文章焚之

枕中記

陳翰異聞集載開元中道者呂翁經邯鄲道上邸舍中有邑少年盧生同止于邸主人方蒸黃糧共待其熟盧不覓長嘆翁問之具言生世困厄翁取囊中枕以授盧曰枕此當榮適如願生俛首但記身入枕穴中遂至其家未幾登高第歷臺閣出入將相五十年子孫皆列顯仕榮盛無比上疏曰臣年逾八十位歷三公空負深恩永辭聖代其夕空盧生欠伸而寤呂翁在旁黃粱尚未熟生謝曰此先生所以窒吾欲也敢不受教再拜而去

南柯太守

異聞集載淳于棼家廣陵宅南有古槐生豪飲其下因醉致疾一友扶生歸卧東窗夢一紫衣使者曰槐安國王奉邀生

隨二使者上車拍古槐入一穴中大城朱門題曰大槐安國
有一騎傳呼曰駙馬遠降引生升廣殿見一人衣素練服簪
朱華冠令生拜王王曰前奉賢尊命許令女瑤芳奉事君子
有數十仙姬奏樂執燭引至一門號修儀宮一女子號金枝
公主儼若神仙交懽成礼情義日洽王曰吾南柯郡政事不
理出卿爲守勅有司出金玉錦綉僕妾車馬施列廣衢餞公
主行累日達郡下車省風俗察疾苦郡中大理凡二十載百
姓立生祠王賜爵錫邑位居台輔生五男二女榮盛莫比公
主遇疾而薨生護喪歸葬于盤龍崗生以貴戚威福日益有
人上表云玄象謫見國有大恐都邑遷徙宗廟崩壞事在蕭
牆時議以生僭侈之應王因命生曰卿可暫歸本里一見親
族諸孫留此無以爲念復令二使者送出穴遂寤斜日未隱
西垣餘尊尚留東牖因與二客尋古槐下穴洞然朗朗可容

一榻上有土壤爲城郭臺殿之狀有蟻數斛三大蟻素翼朱首乃槐安國王也又窮一穴直上南枝群蟻亦處其中即南柯郡也又一穴盤屈若龍蛇狀有小墳高尺餘即盤龍岡也生追想感嘆遽遣掩塞是夕風雨暴發旦視其穴遂失群蟻莫知所之所謂國有大恐都邑迁徙此其驗矣

靈芝宮

東軒雜錄云王安國字平甫熙寧六年冬直宿崇文院夢有邀至海上宮殿甚盛笙簫大作題曰靈芝宮有人隔水止之曰時未至且令去恍然夢覺禁中已鳴鍾矣平甫爲詩曰萬頃波濤木葉飛笙簫宮殿號靈芝揮毫不似人間世長樂鍾鳴夢覺時後四年平甫卒又三年太常曾阜夢與平甫會因平之曰平甫不幸早世今所處良苦如何但見平甫笑而不止傍一人曰平甫已列仙官矣其樂非塵世比也阜喜而寤

夢棺夢穢

晉殷浩字深源或問曰將蒞官而夢棺將得財而夢糞何也
浩曰官本臭腐故將官而夢棺錢本糞土故將得錢而夢穢
時以爲名言

詩

夢裏行人事竟來思夢前不知今亦夢更把夢來原夢裏
常言夢如今竟後知不知今亦夢中有竟來時並邵堯夫歲
逢困敦斗申指辰次庚辰漏傳子夢出城闌登古原草木繁
天帶流水千夫荷插開久殯前有一人狀環偉素冠長跪丞
酒釀云是劉郎字全美馬鳴車響斷還續人境晦明秋色裏
既寤茫然失所遭河轉星翻汗如洗世傳夢凶常得吉神物
戲人良自目全美声名海縣聞閉久當開乃其理殆二十
四橋月月下次蕭聊尔耳洗眼看君先一鳴九萬扶搖從此

始... 元芳公劉全美

合士北類

閣中有麻生

紀異錄鄭珏李愚同為學士鄭閣中有一麻生李曰承旨入相矣余願當制得盡荒虛時亢旱甚久麻獨茂盛霜降成實即白麻也是夜制出鄭果登庸

白沙相公

同前李愚所居暴雨一庭俱為白沙及薨得地于白沙里時號白沙相公

打球一棒為猛入

洛中紀莊宗詔孟知祥鎮成都先是蜀人打球一棒便入湖子者為猛入語訛為孟入得蔭一籌後孟氏盡得兩蜀至子

鞭一... 諸果一子也

刺史坐法曹廳

定命錄陸景融爲新鄭今有客曰公三十年後爲此州刺史所坐然於法曹廳坐後果爲刺史所坐廳乃法曹舊廳往年刺史嫌州宅偏仄遂通法曹廳爲廳

凶兆類

北斗君主簿

幽明錄許攸夢烏衣吏奉漆案上有六封文書拜跪曰府君當爲北斗君陳康爲主簿既寤康忽來謂攸曰我作道師死不過作社公今得北斗主簿余爲不矣明年同日而死

外閣有著履聲

同前王輔嗣注易笑鄭玄云老奴甚無意夜久忽聞外閣有著履聲更自入自云是鄭玄曰君少年何以穿鑿又句妄譏老子言訖而去嗣輔暴卒

朝霞詩

紀異錄趙霖朝霞詩云不因紅日照長作白雲飛然太陽一照不久之象後及第升朝賜緋而卒

天漢一聯

洛中紀異王德輿有詩名嘗有一聯云天漢尚不正河源爭得清桂胤相國聞之大不悅竟流落而死

夢覓奔喪類

夢覓奔喪

後漢范式字巨卿與汝南張劭爲友邵字元伯式仕爲郡功曹元伯寢疾卒式忽夢見元伯玄冕垂纓履屐而呼曰巨卿吾以其日死當以其時葬子未我忘豈能相及式恍然寤寤悲嘆泣下具告太守請往奔喪太守許之式便照朋友之服披其葬日馳往赴之式未到而喪已發引既至壙將窆而柩

不肯進其母撫之曰元伯豈有望邪遂停柩移時乃見素車白馬號哭而來母望之曰是必巨卿也巨卿既至叩喪言曰行矣元伯死生異路永從此辭因執紼而引柩於是乃前式遂留家爲修墳樹然後乃去

得馬與被

後漢王恂音純嘗詣京師於空舍中見一書生疾困謂恂曰我當到洛陽而被病命在須臾囊下有金十斤願以相贈死後乞藏骸骨未及問姓名而命絕恂即鬻一片營其殯葬餘金悉置棺下人無知者後歸數年縣署恂大度其長初到之日有馬馳入亭中而止其日大風飄一綉被墮恂前言之於縣縣以歸恂後乘馬到雒縣馬奔走牽恂入他舍主人見之問恂所出得馬恂具說其狀并及綉被主人悵然良久乃曰被與馬俱士卿何陰德致此恂自念有葬書生事因說之并

道書主形貌及埋金之事主人大驚愕曰是我子也姓金名
彦前往示師不知所在何意卿乃葬之大恩久不報天以此
章卿德耳

李德裕見夢

唐李德裕貶崖州司戶明年卒見夢令狐綯曰公幸哀我使
得歸葬綯懼曰衛公精爽可畏不言禍將及白于帝得以喪
還

羸葬

漢楊王孫李黃老之術及病且終先令其子曰吾欲羸葬以
反吾真必亡易吾意死則爲布囊盛尸入地七尺既下從足
引脫其囊以身親土

書生指葬地

後漢袁安父卒母使安訪求葬地道逢三書生問安何之安

爲言其故生乃指一處云葬此地當卅爲上公須臾不見安
其之遂葬其地故累卅隆盛焉

種瓜得地葬母

幽冥錄孫鍾少時家貧種瓜瓜熟有三人來乞瓜鍾引入庵
中設瓜及飯飯訖謂鍾曰蒙君厚惠今示子葬地欲得卅卅
封侯爲欲數代天子又曰我司命也君下山百步勿回顧鍾
下六十來步回看並爲白鶴飛去鍾遂於此葬母冢上有氣
屬天鍾後生堅堅生權權生亮及休權孫和生皓爲晉所滅
降爲婦命侯

織女助償貸錢

漢董永少失母養父家貧傭力至農月以小車推父置田頭
陰樹下叩營農作父死後就主人貸錢一萬約賣身爲奴遂
得錢葬父還於路忽遇一婦人姿容端美求爲求作妻永乃

俱詣主人令求妻織練三百匹放汝夫妻乃當機織一月而畢主人任其速遂放之相隨至舊相遇處輒辭求曰我天之織女也緣君至孝天帝令助君償債言訖凌空而去見家求

天子之宮夾我墓

史記秦武王以樗里子甘茂爲左右丞相疾卒葬渭南章臺東曰後百歲當有天子之宮夾我墓至漢興長樂宮在東未央宮在其西

白楊

杜壯遊詩四郊多白楊註云白楊墳上之草也又陶潛挽歌云荒草何茫二白楊亦蕭二

葬用紙錢

唐王璠擢太常博士爲祠祭使專以祠斛中帝意有所襮校大抵類巫覡漢以來葬皆有瘞錢後世里俗稍以紙寓錢爲

鬼事至是與及用之 覲胡秋反男曰巫女曰覲

帝成白玉樓

李商隱李賀小傳長吉將死時忽晝見一緋衣人駕赤蚪持一版書若太古篆或霹靂若文者云召長吉長吉了不能讀歛下榻叩頭言阿彌老且病賀不願去緋衣人笑曰帝成白玉樓立刀召君爲記天上差樂不苦也長吉獨泣邊人盡見之長吉氣絕常所居牕中勃勃有煙氣聞行車噬管之聲太夫人急止人哭待之如炊五斗黍許時長吉竟死

寫堯典置棺前

後漢周磐建光初歲朝令其二子曰吾日者夢見先師東里先生與我講于陰堂之奧既而長嘆豈吾齒之盡乎若命終之日寫堯典一篇以置棺前示不忘聖道其月望日無病忽終孝者以爲知命

抱母棺號哭

後蔡順以終未及葬里中火將逼其舍順抱伏棺極號哭火遂越燒他室

積善之墓

唐張說字道濟或字說之嘗自爲其父碑帝爲書其額曰嗚呼積善之墓

重名不重官

裴敬作李翰林墓碑云貴盡皆然名存則難故子重名不重官

以天地爲棺槨

莊子列御寇篇莊子將死弟子欲厚葬之莊子曰吾以天地爲棺槨以日月爲連璧星辰爲珠璣萬物爲齎送吾葬具豈不備邪何以加此弟子曰吾恐烏鳶之食夫子也莊子曰在

上爲烏鳶食在下爲螻蟻食奪彼與此何其偏也

置餘金棺下

唐李勉字玄卿少貧狹客梁宋與諸生共逆旅諸生疾且死出白金曰左右無知者幸君以此爲我葬餘則君自取之勉許諾既葬置餘金棺下後其家謁勉共啓墓出金付之

感風木

選梁武帝孝思賦念過隙之倏忽悲逝川之不停踐霜露之淒愴懷綵綬而涕零仲由念枯魚而木慕虞舜感風木之長悲

哀挽類

老父哭龔勝

漢龔勝死有老父來平哭甚哀旣而曰嗟虛薰以香自燒膏以明自消龔生竟夭天年非吾徒也遂趨而出莫知其誰

埋玉重泉

山巨源哭嵇康曰中散死埋玉重泉沉珠滄海不重見斯人矣

野哭

諸葛亮亡人皆野哭

薤露蒿里歌

選挽歌序云漢高召田橫至尸鄉自殺從者不敢哭而不勝哀故爲悲歌以寄其情後續之爲薤露蒿里歌以送喪也至李延年分爲二等薤露送王公貴人蒿里送士大夫庶人使挽柩者歌之故呼爲挽歌

漳濱蒿里

杜哭李尚書詩漳濱與蒿里逝水竟同年詩云劉公幹云余嬰沈痼疾竄身清漳濱

坐中流淚

續漢書曰大將軍梁竇二月上巳日會洛水倡樂必樂極約
於薜露之歌坐中流淚

錦繡萬花谷別集卷之二十三

錦繡萬花谷別集卷之二十七

貨財類

一年散金三十餘萬

李白上裴長史書曩昔東遊維揚不逾一年而散金三十餘萬有落魄公子悉皆濟之

具司爲鑄橫財

唐餘錄云盧懷謹與張說同作相盧忽暴亡夫人崔氏不泣曰公命未及公清廉而說貪說尚存公不應死已而復生曰具司數十處爲說鼓鑄橫財我豈可同未幾遂卒

給軍興

唐程异傳憲宗討淮而切於饋餉王播引程异自副异尤通萬貨盈虛使馳傳江淮哀財用以給軍興其得无之

布帛類

布有三品

南越志曰蕉布之品有三有蕉布有竹子布又有葛焉又見
終漢王符傳注

織縑織素

古詩云新人工織縑故人工織素織縑日一疋織素五丈餘
以縑持比素新人不如故

精寵廣狹

記王制布帛精寵不中數幅廣狹不中量不粥於市

吉貝布

墨客揮犀云閩嶺已南多木綿土人競植之有至數千株者
採其花爲布号吉貝布余後因讀南史海南諸國傳言林邑
等國出古貝木其華成時如鵝毳抽其緒紡之以作布焉紵

布不異亦染成五色織爲班布正此種也蓋俗古爲吉耳

錢類

少府水衡

王嘉日食封事云元帝溫恭少欲都內錢四十萬萬水衡錢二十五萬萬少府錢十八萬萬是時外戚賞千万者少耳故少府水衡見錢多也

大風雨飛錢

幽具錄海陵黃尋先貧因大風雨散飛錢至其家觸籬園誤落者无數餘处皆拾得富至数千萬擅名江北

金錯槩

杜對雪詩金錯囊垂罄注云此言錢也王莽鑄大錢又造錯刀以金錯其文此錢形如刀而金錯之之證

亟使閉錢坎

唐李景遜母鄭治家嚴始貧乏時治墻得積錢童婢奔告母曰士不勤而祿猶災其身况無妄而得我何取亟使閉坎

蒙城銅坑

南史劉俊字士操永明八年俊啓武帝曰南廣郡界蒙山下有城名蒙城可二頃地有燒爐四所高一丈廣一丈五尺從蒙城度水南百許步平地掘土深二尺得銅又有古掘銅坑深二丈并居宅處猶有鄧通南安人漢文帝賜通嚴道縣銅山鑄錢今蒙山近在青衣水南青衣左側並是故秦之嚴道地青衣縣文帝改名漢嘉且蒙山去南安二百里案此必是通所鑄近喚蒙山獠出云甚可經畧此議若立潤澤无極并獻蒙山銅一片又銅石一片平州鑄鐵刀一口上從之遣使入蜀鑄錢得千餘万功費多乃止

歷代鑄錢不同

北史高謙之時朝議鑄錢以謙之爲鑄錢都將長史乃上表求鑄二銖錢曰錢之輕重卅代不同太公爲周置九府圜法至景王時更鑄大錢秦兼海內錢重半兩漢興以秦錢重改鑄榆莢錢至文帝五年復爲四銖孝武時悉復銷壞更鑄三銖至元狩中變爲五銖又造赤仄之錢以一當五王莽攝政錢有六等大錢重十二銖次九銖次七銖次五銖次三銖次一銖魏文帝罷五銖錢至明帝復立孫權江左鑄大錢一當五百權赤烏年復鑄大錢一當千輕重大小莫不隨時而變昔禹遭大水以歷山之金鑄錢救人之困湯遭大旱以荊山之金鑄錢贖人之賣子者今百姓窮悴甚於曩日欽明之主豈得垂拱而觀之哉臣今此鑄以濟交泛事未就會卒

吳鄧錢滿天下

前漢太后傳大夫鄧通方寵幸上欲其富賜之蜀嚴道銅山

鑄錢吳王濞有豫章銅山招致天下亡命者鑄錢因用饒足於是吳鄧錢布滿天下

請罷江淮七監

唐韓洄字幼深擢戶部侍郎判度支上言江淮七監歲鑄錢四萬五千緡輸京師工用運轉每緡度二千是本倍於子今商州紅崖峽產銅而洛源監久廢請鑿山取銅即治舊監置十鑪鑄之歲得錢七萬二千緡度費每緡九百則得可浮本矣江淮七監請皆罷

張氏無名錢

漢張安世以父子封侯在位太盛乃辟祿詔都內別藏張氏無名錢以百萬數

千錢不及一斤

唐食貨志隋末行五銖錢天下盜起私鑄錢行千錢初重二

片其後愈輕不及一斤鐵葉皮紙皆以爲錢

綫環錢

唐食貨志高祖入長安民間行綫環錢其製輕小凡八九萬纔滿半斛武德四年鑄開元通寶得輕重大小之中

積十重一兩

唐食貨志註云錢文曰開元通寶徑八分重二銖四參積十重一兩歐陽詢撰并書其文廻環可讀或讀曰開元通寶或讀曰開通元寶皆可按聖運圖云初進蠟樣文德皇后指一甲故錢上有甲痕焉

乾封泉寶

唐志乾封元年改鑄乾封泉寶以一當舊錢之十踰年而舊錢多廢明年以商賈不通米帛踊貴復行開元通寶

穀粟類

小麥青大麥枯

續漢書曰桓帝童謠曰小麥青二大麥枯誰當穫者婦与姑
丈夫何在西擊胡

公田種秫

晉陶潛爲彭澤令在縣公田悉令種秫曰令吾常醉於酒足
矣妻子固請種秔乃使五十畝種秫五十畝種秔音庚

天雨粟

淮南子曰昔蒼頡作書而天雨粟鬼夜哭

占城稻

湘山野錄云真宗深念稼穡聞占城稻耐旱西天菽豆子
多而粒大各遣使以珍貨求其種占城得種二十石至今在
處播之西天中印土得菽豆種二石始植於後苑秋成日宣
近臣嘗之仍賜占稻及西天菽豆御詩

鄧都稻

酉陽雜俎云鄧都稻名重思其米如石榴子粒稍大味如菱
社瓊作重思賦曰霏二春暮羣矣重思雲氣交被嘉穀應時
不食五穀

酉陽雜俎云撥拔力国在西南海中不食五穀食肉而已常
針牛畜脉取血和乳生食无衣服唯腰下用羊皮掩之

豆族粟寸

酉陽雜俎云豆以二七爲族粟累十二爲寸

麥忌戍子

酉陽雜俎云小麦忌戍大麥忌子

通腸米

南楚新聞云荆南孫儒之乱米斗四十千持金宝換易才得
一撮一合謂之通腸米言飢人不可食他物惟煎米飲之可

以通腸胃

積米數十萬石

唐韓洄字幼深罷省胥吏冗食二千人積米長安万年二縣各數十萬石視年豐耗而發歛焉故人不艱食

錦綉類

蛺蝶羅麒麟錦

漢武時西域獻蛺蝶羅日本國貢麒麟錦十端金花眩人眼目又杜西域晚眺詩花羅封蛺蝶瑞錦送麒麟王內翰注云蛺蝶麒麟羅錦上絲綉也

錦纏頭

唐王元寶富而无辜識嘗會賓客明日親友謂之曰昨日必多佳論元寶曰但費錦纏頭耳又杜詩云尋處重看花滿面樽前還有錦纏頭

若川谷成錦綉

唐楊貴妃傳每十月帝幸華清宮五宅車騎皆從家別爲隊一色俄五家隊合欄若万花川谷成錦綉

二丈爲一端

左昭二十六年云以幣錦二兩註云二丈爲一端二端爲一兩所謂匹也二兩二匹

織爲迴文詩

晉竇滔妻蘇氏名蕙字若蘭滔符堅時秦州刺史被徙流沙蘇氏思之織錦爲迴文旋圖詩以贈滔宛轉循環以讀之詞甚悽惋凡八百四十字

廢織錦坊

唐元宗以風俗奢靡踰制乘輿服御金銀器玩宜令有司銷毀珠玉錦綉焚於殿前天下毋得採珠玉織錦綉等物廢織

錦坊

獻錦頌

唐新羅傳真德織錦爲頌獻曰巨唐開洪業魏二皇猷昌止
戈成大定吳文繼百王統天崇兩施治物躰含章深仁諧日
月抚運邁時康幡旗旣赫二鉦鼓何鏗二外夷違命者剪覆
被天殃淳風凝幽顯遐迹競呈祥四時和玉燭七耀巡万方
維嶽降宰輔維帝任忠良三五成一德昭我唐家唐帝美其
意

賜禁中瑞錦

唐馮定字介夫文宗親誦定送客西江詩召升殿賜禁中瑞
錦

合珍寶類

珊瑚樹

西都雜記云積草池中有珊瑚樹高一丈二尺一本三柯上有四百六十二條是南越王所獻又南州志曰珊瑚出大秦國海中生海底石上

驪龍領下珠

莊子河上有家貧恃藁蕭而食者其子沒於淵得千金之珠其父謂其子曰取石來鍛之夫千金之珠必在九重之淵而驪龍領下子能得珠者必遭其睡也使驪龍而寤子尚奚微之有哉

鮫人泣珠

述異記曰南海中有鮫人室水居如魚不廢機織其眼能泣則出珠又左思吳都賦云泉室潛織而卷綃淵客懷漣而泣珠

明珠如雞卵

列仙傳江妃二女皆麗服果裝珮兩明珠大如雞卵游於江漢之湄逢鄭交甫交甫說之不知其神也遂下与言曰願請子之珮二女解珮以与交甫受而懷之超去數十步視其懷空无珮顧二女忽然不見

餐玉

杜詩未試囊中餐玉法明朝且入藍田山註云李預居長安每羨古人餐玉之法乃採訪藍田躬往攻掘得如環璧雜器大小百餘稍得麗黑者亦篋盛以還至家觀之皆光潤可玩預乃推七十枚爲屑日服食之餘多惠人後預及聞者更求於故處皆无所見預服玉有效驗而世事寢食不禁節之又加之好酒損志疾篤謂妻子曰服玉屏居山林排弃嗜慾或當大有神力而吾酒色不絕自致於死非藥過也然吾尸体必當有異勿使速殯時七月中旬長安毒熱預得停尸四宿

鮮色不變

燕石

宋之愚人得燕石於梧臺之側藏之以爲大寶周客聞而觀焉主人齋七日端冕元服以發室韋櫃十重緹巾十襲客見俛而掩口胡盧而笑曰此燕石也與瓦甓不殊主人大怒曰盲瞽之言藏愈固守愈謹

藍田出玉

前漢地理志藍田山出美玉又三秦記曰藍田有洲方三十里其水北流出銅鐵玉石

金錯刀金琅玕

選四愁詩美人贈我金錯刀何以報之英瓊瑤云云美人贈我金琅玕何以報之双玉盤云云美人贈我貂襜褕何以報之明月珠云云美人贈我錦綉段何以報之青玉案

王陽能作黃金

漢王吉字子陽天下服其廉而恠其奢故俗傳王揚能作黃金

趙璧

史蘭相如傳趙惠文王得楚和氏璧秦昭王使人遺趙書願以十五城易之蘭相如奉璧入秦相如視秦王无意償趙城乃詐曰璧有瑕請指視王王授璧相如持璧倚柱怒髮衝冠謂秦王曰趙王使臣奉璧於庭大王見臣禮節甚倨臣觀大王无意償趙城邑故臣復取璧大王必欲急臣臣頭與璧俱碎於柱秦王恐其破璧乃解謝固請相如度秦王决負約乃使其從者衣褐懷璧從迺道歸璧于趙

三棘

墨子曰和氏之璧夜光之珠三棘六異此諸侯之良宝也

六瑞

周禮曰以玉作六瑞以等邦國王執鎮圭公執桓圭侯執信圭伯執躬圭子執穀璧男執蒲璧

錦繡萬花谷別集卷之二十七

錦繡萬花谷別集卷之二十八

禽類

西王母使者

續齊諧記曰楊寶九歲時至華陰山北見一黃雀為鴟梟所搏墜於樹下為螻蟻所困寶取之以歸置巾箱中唯食黃花百餘日毛羽成乃飛去其夜有黃衣童子叩門再拜曰我西王母使者君仁愛救拯實感成濟以白環與寶令君子孫繁白位登三事當如此環子震安帝時為太尉震子秉桓帝時為太尉秉子賜靈帝時為太尉賜子彪獻帝時為太尉魏文帝時復為太尉震至彪四世太尉德業相繼

雞作人語

幽真錄晉袁州刺史沛國宋處宗嘗買一長鳴雞愛養甚至
常著窓間後雞作人語與處宗談論極有言說終日不輟處
宗因此功業大進

房相鵝

杜得房公池鵝詩房相西池鵝一群眠沙泛浦白於雲鳳皇
池上應回首爲報籠隨王右軍

燕附炎熱

杜去矣行焉能作掌上燕嘴泥附炎熱

鷦鷯

莊子鷽鷽集林不過一枝

鳳皇非梧桐不棲

北史王勰音協字彥和魏孝文升金墉城顧見掌後桐竹曰
鳳皇非梧桐不棲非竹實不食今梧桐垂茂詎能降鳳乎

鵠飛冲天

北史崔謨持其弟遲勢從李繪乞麋角鵠羽繪曰鵠有六翮飛則冲天麋有四足走便入海下官屬躡蹠嬾手足遲鈍不能近追飛走遠事佞人

得言勝得鵠

史魏文侯使蔡無澤獻鵠於齊侯行路失之謂齊侯曰寡君使臣獻鵠路而失之乃冲天而去非不能買鵠不敢易君幣非不能逃亡惡絕兩君之好非不能自殺惡貴鵠賤人是以獻空籠惟君裁之齊侯曰得言勝得鵠矣

空城雀

李白空城雀云嗷二空城雀身計何戚促本與鵠鷦群不隨鳳皇族提携四黃口飲乳未嘗足食君糠粃餘常恐烏鸢逐苑中禽

南史荀伯玉傳齊高帝為宋明帝所疑被徵為黃門郎深懷憂慮見平澤群鶴仍命筆詠之曰八風舞遙翮九野弄清音一推雲間志為君苑中禽

鶴為羽族之宗

相鶴經云鶴陽鳥也因金氣依火精火數七金數九故十六年小變六十年大變千六百年形定而色白又云一年落子毛易黑點三年頭赤七年飛薄雲漢又七年李舞復七年應晝夜十二鳴六十年大毛落青毛生色雪白泥水不能汚百六十年雌雄相見目睛不轉亦千六百年飲而不食食於水故喙長軒前故後短足高尾彫毛豐肉踈並羽族之宗仙人之騏驥也

秋燕如客

杜秋燕已如客註云張衡旅寓洛汭生計無聊有命駕之心

顧梁上燕曰秋風已至想如客興斯難久留也

汚君子雕梁

梁王竟爲佞人奪權故人慰問拍庭下泥笑謂客曰非久當
隨燕雀汚君子雕梁

海鷗

列子海上人好鷗鳥其父欲取玩之明日之海上鷗鳥羣而
不下

望帝化爲子規

蜀記昔有姓杜名字號望帝字死俗傳化爲子規鳥一名鷓
蜀人聞子規鳥皆曰望帝遂於鷓字加杜姓謂之杜鷓又謂
之杜宇

洛陽無杜鷓

邵康節曰洛陽舊无杜鷓不一二年上用南人爲相天下多

事矣

雉祥

唐褚遂良傳時飛雉數集宮中帝問是何祥遂良曰昔秦文公時有侏子化為雉雌鳴陳倉雄鳴南陽侏子曰得雄者王得雌者霸文公遂雄諸侯始為寶雞祠漢光武得其雄起南陽有四海陛下本封秦故雌雄並見以告明德侏子之人反童子

嗽金鳥

酉陽雜俎云嗽金鳥出昆明國形如雀色黃常翱翔於海上魏明帝時其國來獻此鳥餵以真珠及龜腦常吐金屑如粟鑄之乃為器服宮人爭以鳥所吐金為釵珥謂之辟寒金以鳥不畏寒也宮人相嘲弄曰不服辟寒金那得帝王心不服辟寒金那得帝王憐

雞雞可以觀仁

本朝二程觀維雛曰此可觀仁

禽有良能

伊川曰萬物皆有良能禽鳥做得巢子極有巧好處是他良能不待孝也

鳳皇擊九千里

宋玉對楚襄王問云鳳皇上擊九千里絕雲霓負蒼天亂淖雲翔翔乎杳冥之上夫藩籬之鷄豈能與之料天地之高哉

北山鷗

後漢朱穆與劉伯宗詩曰北山有鷗不繫其翼飛不正向窺不定息飢則不攬飽則泥伏食汗其腐是食填臍啼嗜慾無極長鳴呼鳳謂鳳無德鳳之所趣與子異域二從此訣各自努力

鳥銜木爲城

酉陽雜俎云貞元四年鄭汴二州群鳥飛入田緒李納境內
街木爲城高至三三尺方十餘里納緒惡而命焚之信宿如
舊鳥口皆流血

鵲巢有梁

酉陽雜俎云鵲巢中必有梁崔圓相公妻在家時與姊妹戲
於後園見二鵲構巢共銜一木如筆管長尺餘安巢中衆悉
不見俗言見鵲上梁必貴

沐溪野雙鶴

地理志處州青田縣在州東南一百五十里有双鶴生子即
便化去人以爲異又永嘉郡記沐溪野去青田九里有雙鶴
年年生子長大便去只餘父母一雙精白可愛多云神所養
又杜詩薛公十一鶴皆寫青田真

鵲巢

莊子秋水篇南方有鳥其名鵩鵩發於南海而飛於北海非梧桐不止非練實不食非醴泉不飲

比翼鳥

尔雅云南方有比翼鳥不比不飛其名謂之鵽

射雉富貴之驗

隋龔昇字元顯曰高祖曰公相貌非常名在圖錄九五之日幸願不忘高祖笑曰何妄言也頃之有一雄雉鳴於庭高祖命昇射之曰中則有賞然富貴之日持以爲驗昇既射而中高祖撫掌大笑曰此是天意公能感之而中也

詩

去年汝來集我屋梁間泥污高一尺啄腥拋穢不汝厭生長群雛我護惜家貧恩愛不及人自謂於汝獨有力不望汝如靈蛇銜寶珠雀獻金環來報德春風期汝一相顧對語茅簷

慰客寂如何今年來於我絕蹤跡一貪簾幙畫堂間便視吾
廬為棄物戴石屏話燕引風時叫兩三聲咽月應思折葦汀
踉蹌初過松院裏攤縱擬舞雪花庭窺雲長側丹砂臉立石
閑梳白石翎何日許隨鴛鳳去拼霞搖鶴入青冥俞亮詠鶴
骨含仙氣生來瘦羽挿天風過處寒王禹偁鶴詩莫恨彫籠
羣羽殘江南地暖隴西寒勸君不用分明語語得分明出轉
難羅隱鸚鵡詩蜀魄千年尚怨誰聲三啼血向花枝滿山明
月東風夜正是愁人不寐時羅鄴子規詩雲散巴山綠草稠
子規啼處感年流影隨明月生芳樹声逐和風入畫樓綿郡
幾人驚旅夢錦城孤客起鄉愁蜀君變化已千載何事如今
叫未休方干子規詩何事經年阻好音暖風催出轉喬林羽
毛新刷陶潛菊候古初調叔夜琴怕雨並棲紅杏密避人雙
入綠楊深曉來枝上千般語似共桃花說舊心齊己詠鷓鴣詩

對語春風翠滿衣碧江迢遞往來稀
盡日孤煙去深院無人帶雨歸
珠箔下時猶脉脉二盡堂深處正依依
二王孫盡許營巢穩慣聽生歌夜不飛
韓漸燕詩翠鬣紅毛舞夕暉水禽
情似此禽稀暫分煙島猶回首
祗過寒塘亦並飛映霧乍迷金殿
瓦逐校齊上玉人機採蓮無限欄
撓女笑指中流羨不歸崔莊北爲禽詩
繞見離巢羽翼開盡能輕颺出塵埃
人間樹好紛二占天上橋成草二回
幾度追飛臨玉戶一時傳喜到粧臺
君教顏色如霜雪應與清平作瑞來
韓漸鵲詩來時沙磧已冰霜飛過江南木
葉黃水潤天低雲暗淡朔風吹起自成行
歐陽脩鴈詩有鳥居丹穴其名曰鳳皇
九苞應靈瑞五色燦文章
屢向秦樓側頻過洛水陽
鳴岐今日見阿閣行來

翔李矯鳳詩

獸類

宋公狙

列子宋有狙公愛狙而養之先誑之曰與若茅朝三而暮四足乎衆狙皆起而怒俄曰與若茅朝四而暮三足乎衆狙皆伏而喜註云茅栗也

絨尾

杜詩註楊大年云絨之形似鼠而大尾長作五色生川峽深山中人以藥矢射殺之取其尾爲卧褥被坐氈之用絨甚愛惜其尾既中毒即齧斷其尾以擲之惡其爲身害也蓋輕捷善緣木援之類也絨而中反

西巴放麋

後漢桓榮傳論註孟孫獵得麋使秦西巴持之其母隨而西巴不忍而與其母

神與牛交

酉陽雜俎云堅昆部落非狼種其先所生之窟在曲漫山北
自謂上代有神與許生交於此窟其人髮黃目綠赤髭髯其
髭髯俱黑者漢將李陵及其兵衆之胤也

猿戰

酉陽雜俎云婆娑爛國去京師二萬五千五百五十里此國
西有山巉崿峻險上多猿猿形絕長大常暴田種每年有二
三十萬國中起春以後尤集甲兵與猿戰雖歲殺數萬終不
能盡其巢穴

仙鹿

酉陽雜俎云唐部郎中陸紹弟爲廬氏縣尉常觀獵人獵忽
遇鹿五六頭臨澗見人不驚毛斑如畫陸恠獵人不射問之
獵者言此仙鹿也射不能傷且復不利陸不信強之獵者不
得已一發矢鹿帶箭而去及返射者墜崖折左足

猓獬

酉陽雜俎云蜀西南高山上有物如猓狀長七尺名猓獬一曰馬化好竊人妻多時形皆類之盡姓楊蜀中姓楊者往往攫瓜

看兔可作八卦

伊川見賣兔者曰聖人見河圖洛書畫八卦何必圖書只看此兔亦可作八卦數便從此中可起聖人取神物之至著者耳

玄鹿

述異記云鹿千年化為蒼又五百年化為白又五百年化為玄漢成帝時中山人得玄鹿烹之骨皆黑色仙者云玄鹿為脯食之壽二千歲

述異記云獬豸一角羊也性知人有罪臯陶治獄其罪疑者令羊觸之

絡馬穿牛

莊秋水篇牛馬四足是謂天落馬首穿牛鼻是謂人

比肩獸

爾雅云西方有比肩獸與印印𡵚虛比爲印印𡵚虛其甘草即有難印印𡵚虛負而走其名爲蟹一云蟹井中虫也

魚類

丙穴

杜將赴成都草堂詩魚知丙穴猶來美註云蜀都賦云嘉魚出於丙穴丙穴在漢中沔陽縣北有魚穴二所常以三月取之

鱸長數千里

六帖水經云鯢魚長數千里穴居海底魚入穴則潮上出穴則潮退出入有節故潮水有期

鯢魚

宋玉對楚襄王問云鯢魚朝發崑崙之墟暴鬚於碣石暮宿於孟諸夫尺澤之魚豈能與之量江海之大哉

為蛟龍

酉陽雜俎云魚滿三百六十年則為蛟龍引飛去水又云魚二千斤為蛟

一斤千頭

酉陽雜俎云武陽小魚一斤千頭

瞳子如三斗盎

段成式書云東海大魚瞳子大如三斗盎

洛鯉伊魴

酉陽雜俎云洛鯉伊魴貴於牛羊

箕袋化為烏賊魚

酉陽雜俎云烏賊遇大魚輒放墨方數尺以混其身海人言昔秦王東遊弄箕袋於海化為此魚形如箕袋兩帶極長

養獺捕魚

酉陽雜俎云元和末均州鄖鄉縣有百姓年七十養獺十餘頭捕魚為業隔一日放出放時先閉於溪溝斗門內令飢然後放之無網罟之勞而獲利相若老人抵掌呼之群獺皆至蹄涔不容尺鯉

晉史劉聰將趙染斬魯徽大司馬曜聞之曰蹄涔不容尺鯉染之謂也

受魚而祭

家語孔子之楚有漁者獻魚孔子不受漁者曰吾嘗遠無所

驚也思慮棄之重壤不如獻之君子故敢以進焉於是孔子再拜受之使弟子掃地將以享祭門人曰彼將棄之夫子以祭何也孔子曰吾聞諸惜其腐餘而欲以務施者仁人之偶也惡有受仁人之饋而無祭者乎

石鯨鳴

西京雜記云昆明池刻玉石爲鯨每雷雨鯨嘗鳴吼鬣尾皆動漢世祭之以祈雨住三有驗又杜詩云石鯨鱗甲動秋風安知魚之樂

莊秋水篇莊子與惠子遊於濠梁之上莊子曰儵魚出游從容是魚樂也惠子曰子非魚安知魚之樂莊子曰子非我安知我不知魚之樂

鱣魚一生百卵

永州記云鱣魚一生百卵及成形則有爲蛇爲龜爲蛟爲鱉

蟲類

蟻穴

異苑曰桓譙太元中忽有人皆長寸餘悉被鎗持槩從垣中緣机登龜將山道士以沸湯澆所入處寂不復出因搗之有斛許大蟻死在穴中

壁魚

杜歸來詩散秩壁魚乾註云壁魚白魚也俗傳壁魚入道經函中因蠹食神仙字則身有五色人得而吞之可致神仙

食葉者有絲

酉陽雜俎云食葉者有絲食土者不息食而不飲者蠶蠶而不食者蟬不飲不食者蜉蝣

白蝙蝠

李白荅族姪僧中孚贈茶詩序余聞荊州玉泉寺近清溪諸

山山洞往往有乳竈窟中多玉泉交流中有白蝙蝠大如鴉按仙經蝙蝠一名仙鼠千歲之後躰如白雪棲則倒懸蓋飲乳水而長生也

蛙鳴當鼓吹

南史孔珪字德璋門庭之內草萊不剪中有蛙鳴或問之曰欲爲陳蕃乎珪笑荅曰我以此當兩部鼓吹何必效蕃王晏嘗鳴鼓吹候之聞群蛙鳴曰此殊聒人耳珪曰我聽鼓吹殆不及此晏有慙色

濡需

莊徐無鬼篇濡需者豕蟲是也擇疏鬣自以爲廣宮大囿奎蹄曲隈乳間股脚自以爲安室利處不知暑者之一旦鼓臂布草操煙火而已與豕俱焦也

埴井蛙

莊秋水篇子獨不聞夫埳井之蛙乎謂東海之鼃曰吾樂於
吾跳梁乎井幹之上入休乎缺甃之崖赴水則接掖持頤蹶
泥則沒足戒跼還軒蟹與科斗莫吾能若也

觸氏蠻氏

莊則陽篇有國於蝸之左角者曰觸氏有國於蝸之右角者
曰蠻氏時相與爭地而戰伏尸數万逐北旬有五日而後反
守宮

東方朔傳置守宮孟下師古曰守宮虫名術家云以器養之
食以丹砂滿七斤擣治方杵以點女人身終身不落若有房
室之事則滅矣可以防閑淫逸故謂之守宮

醯雞

莊子方篇孔子見老聃孔子出而見顏回曰丘之道也其猶
醯雞歟微夫子之發吾覆也吾不知天地之大全也註云醯

雞首甕中之蟻蟻

冰蚕

拾遺記曰負嶠山名環立有冰蚕以霜雪覆之然後作繭其
色五采織爲文錦入水不濡投火不涇唐堯之代海人獻以
爲繡散

錦繡萬花谷別集卷之二十九

雜忌類

入山忌日

酉陽雜俎云入山忌日大月忌三日十一日十五日十八日二十四日二十六日三十日小月忌一日五日十三日十六日二十六日二十八日

冢井氣殺人

酉陽雜俎云凡冢井間氣秋夏中之殺人先以雞毛投之直下無毒迴舞而下不可犯當以醋數斗澆之方可入矣

食物雜忌

酉陽雜俎云瓜兩鼻兩蒂食之殺人簷下滴菜有毒薑黃花及赤芥殺人瓠牛踐由則子苦砒堿能蝕人履底魚

行睫及目合腹中自連珠二目不同連鱗白鬚腹下丹字並
殺人 鬚目白腹下五字一曰丹字卜字一曰十字者不可
食 鱗腹下有毛殺人 獸歧尾鹿斑如豹羊心有竅悉害
人 馬夜眼五月以後食之殺人大懸蹄肉有毒 白馬鞍
下肉傷人五臟 烏自死目不閉鴨目白烏四距外有八字
並殺人 井水沸不可飲 酒漿無影者不可飲

食不欲頓

修真秘訣云凡人食欲少而數不欲頓而多食不欲急急則
損脾法當熟嚼令細冷食不用熱水漱口熱食不用冷水漱
口食必先食熟然後食冷

黃帝雜忌

修真秘訣云一日之忌暮無飽食一月之忌暮無大醉一歲
之忌暮無遠行終身之忌暮無燃燭行房

奇字訓釋上

太裁

裁測吏反大𦏧也漢周亞夫傳賜置太裁無切肉

躡鞠

上徒臈反下鉅六反漢霍去病傳穿域躡鞠註云以皮爲之實以毛毼鞠而戲也

蹂躪

上人九反下音蘭漢王商傳百姓奔走相蹂躪

鉗鑽

上其炎反作喚反後漢陳寵傳遂詔有司絕鉗鑽又禮部韻畧鉗亦作鉗

碑兀

郭璞江賦巨石碑兀以前部

噀路

杜詩權門多噀路註云噀路相對談語

泥泥

張衡應問曰夫元龍涉冬則泥泥而潛蟠註云泥音骨乳

也

乳沒

乳居寒反杜詩乳沒費倉儲註云乳沒謂成敗也如淳曰

豫居物以待之得利爲乳失利爲沒又見張陽傳

苒苒

西都賦岩峻苒苒又杜詩苒苒增光輝

溟溟

杜詩精微穿溟溟又莊子大同乎溟溟溟與物無際際尸

頂反又音幸溟上頂反自然氣也

專礙

專上綰反見前漢陳遵傳瓶懸礙不得下

逦迤

逦七禾反唐王伾傳闌茸兒逦迤闌徒去聲反茸而隴反

灑灑

上士咸反下才弱反韓聯句詩耳并憶灑灑

齷齪

上音澤下側角反韓聯句詩貧齷齪羞齷齪

澌澌

澌音敢韓聯句詩澌澌甘瓜濯

咿啞

上音伊下音澤強笑喙也韓聯句正言免咿啞

管翦

懷恨

上音下苦怪反彖類也韓愈句惟憂在官嗣又毛詩

徵瘠

曠口朗反恨音朗宋玉九辨愴况曠恨兮去故而就新

胸眇

音眉徵勳垢腐危唐陸龜蒙傳堯舜徵瘠

被皴

上尼竹反下他了反謝希逸月賦胸眇警闕

上七句反下與攘同出唐史

渤澥

揚子渤澥之岳又杜詩宛在中流渤澥清

此離

詩中谷有推有女此離又杜詩此離故紅藥此匹指反別也

孤棱

上音孤下力登反西都賦上孤棱而棲金屋註云孤棱殿堂上最高之處也

龍鍾

杜寄杜拾遺詩龍鍾遠忝二千石趙註云龍鍾行不進貌又寄高使君詩何太龍鍾極註云龍鍾竹名世言龍鍾取此義謂其年老如竹之枝葉搖曳不能自禁持也

敍翁

杜執詩敍翁炎承寧敍許勿反又許律反

沉綿

杜詩沉綿抵外殃註云言其病之沉綿

潦倒

杜詩形容衰潦倒又杜康書云潦倒金縢

突與

荀子突與之內又杜詩文章開突與註云突與深邃見

羈絆

晉慕容垂猶鷹也宜急其羈絆

惆儻

惆吐歷反漢朱丞傳惆儻大節又顏延年賦雄志惆儻精
權奇又杜詩惆儻權奇難具論

辟易

項羽傳人馬俱驚辟易數里又杜詩四座皆辟易

巫覡

唐史王璵傳男曰巫女曰覡覡胡狄反

喧逐

逐呼回反相擊也李白蜀道難飛鴻湍流爭喧逐

伶俜

伶俜猶瘦子也流落覓杜荀府詩已及伶俜十年事

水若

水若水神也選顏延年詩水若警流

陽鳥

陽鳥春日也選曹子建七哀詩陽鳥收和響

精蚘

蚘力擊反蟋蟀也選曹子建詩俯聞精蚘吟

黑蜺

選雜詩黑蜺躍重淵註云黑蜺蛇也

蘭露

選苦熱行蘭露夜霑衣註云蘭草上露人觸之即肉潰爛

紹介

後漢符融傳註云古人相見必因紹介介因也言因此人以相接見也

豐隆

雷神也

侏儒

後漢張升傳仲尼暫相誅齊之侏儒註云侏儒短人能爲俳優也

坎塿

塿力敢反困窮也宋玉九辨坎塿兮貧士失職而志不平

輶軻

坎與輶同軻口我反古詩坎軻長苦辛又杜詩兵賢遇輶軻遠引蟠泥沙

盤餐

曹負鸛見八公子重耳盤餐食實璧又杜詩喚起甯堪餐
蒼黃

北山移文蒼黃反覆又杜詩豈欲隨君去形勢反蒼黃
刀頭

樂府解題云何當大刀頭刀頭有環問何時還
擊跽

北史蕭大圓傳擊跽曲拳
象教

爲形象以教人也杜登慈恩寺塔詩方知象教力足可追
冥搜

三鱣

鱣音善韓子云似蛇後漢楊震傳震在街三鱣黃龍集詩
堂前

笑黔

楊雄曰孔席不煖墨突不黔又文子曰墨子無黔突孔子無煖席

格磔

磔陟格反李群玉詩方穿詰曲崎嶇路又聽鈎輅格磔聲

二立

張衡應間曰不能參名於二立註云太上立德其次立功

旁午

唐劉晏傳註云一縱一橫為旁午言交錯也

輩行

行戶浪反見柳宗元傳又漢匈奴傳漢天子我丈人行又杜詩王孫丈人行垂老見飄零

參差

上余染反下余之反戶苟也

軟掌

詩北山或王事軟掌箋云軟猶何也掌謂捧之也負何捧持以趨走言促遽也何戶可反

蟄蛩

蟄音誕南方有蟄蛩

蟻蟻

上莫結反下母摠反細蟲因雨而生又莊子註醯醢者堯中之蟻蟻

縱吏

縱上聲吏音勇

黼黼

黼步拜反

角録

角即角字也録通作角東都事畧程隱佺傳載云刀下用音權字兩點下用音鹿字用字上一撇一點者不成字

瞋昧

瞋與暗同漢藝文志今其技術瞋昧

洮類

洮他刀反又音逃類音悔書韻命王乃洮類水註云洮洮髮也類二面也又韻畧洮類水名又韻字亦作類滌面也

蓬條

上音集下音除竹席也

蹠躡

李白鳴皋歌蹠躡於風塵蹠礼部韻畧作蹠蹠結反躡先結反蹠蹠行不正也

宿留上先就山下反

漢郊祀志留海上師古曰謂有所須待也

糠覈

陳平傳亦令糠覈耳孟康曰覈麥糠中未破者也晉灼曰

覈音紇京師人謂麤屑為紇頭

襤褸

集韻云襤褸箕衣也

墳羊

古今註云狗曰墳羊

燭夜

古今註云雞一名燭夜又曰鷄音

駟驢

劉真父詩話云今人謂駟驢為牙本謂之互郎主互市事

也駟在古反

互郎

事見前

礫石落猥反下勒可反

晉和嶠如千丈松雖礫石多節目施之大厦有棟梁之用
勃罕

竊蘇晉反晉張憑簡文帝召與語歎曰張憑勃罕為理窟
註云勃罕亦中出也

髻亂

上田聊反下初斬反隋楊昇髻亂就孝日謂子言註云髻
小兒重髻也亂男生八月生齒八歲而亂二毀齒也

胠篋上許魚反

莊子外篇云將為胠篋探囊發匱之盜而為守備

肯繁

莊內篇庖丁曰技經肯綮之未嘗註云技之妙也常遊刃於空未嘗經礙於微礙也

巨廬

隋巨廬勸北人謂歸義為巨廬因氏焉

卑取

取走侯反莊子天地篇子貢卑取失色

玃玃

上孚云反下音秩莊子山木篇其為鳥也玃二玃二

聖夢

莊子郢人堊漫其鼻端若蠅翼

趺踇

上徒下俱跳躍也又云偏卒一足曰踇踇史張儀傳亮貴

之士跣跣科頭貫願奮戰者至不可勝計

屏營

唐李蔚宗贊佛者特西域一稿人耳癰瘡其身屏營山樊

嬖嬖

上衣儉反下於可反李德裕傳他宰相亦嬖嬖趙和

貝願

上平秘反下虛器反西京賦巨靈貝願貝願註貝願作力之貌

蛇蟪

上音死下音善又於元時連二切屈曲貌見韓文註又

虬龍騰驤以蛇蟪

錦繡萬花令別集卷之二十九

錦繡萬花谷別集卷之三十

○奇字訓釋中

削繡

削音稍揜音森宋玉九辨削繡揜之可哀方形銷鑠而瘵傷瘵央頤反繡蘇彫反玉篇樹長兒又息六反

泚泚

泚毗名反泚普擊反泚苦浪反與纒同莊子泚泚以泚泚泚爲事註云漂絮於水中也

阿堵物

晉王衍妻郭氏藉勢聚斂衍疾之故口未嘗言錢郭欲試之令婢以錢繞床使不得行衍晨起見錢謂婢曰奉阿堵物耶

樓偏府

左傳一命而僂再命而偃三命而俯僂隴主反偃於武反
僂偃俯皆恭敬之兒

哀駘它

莊德方符爲衛有惡人曰哀駘它註云惡醜也

畚鍤

唐陸龜蒙傳云身畚鍤抹無休時或譏其勞抹呼毛反除田草登音日本

田草登日本

厲蠱蝨

麤蠹薄佳反羸郎戈反蚺直其反天官齔人祭祀共蠹羸蚺
 以授醢人註云羸蛤也又云蟪也羸蟪蚺蚺蛾子蟪音夷
 蚺音由

以授醢人註云蠹蟪始也又云蟀也羸蛻蚺蚺子蛻音夷

蝻音由

蓮勺困

蓮音輦音灼杜赤霄行皇孫猶曾蓮勺困註云宣帝初
為皇孫常困於蓮勺鹵中如淳曰為人困辱也蓮勺縣有
鹽池廣十餘里鄉人名為鹵中

吹綸絮

後章紀詔齊相省冰紈方空穀吹綸絮註云紈素也冰言
色鮮絮如水穀紗也方空者紗薄如空綸似絮而細吹者
言吹噓可成詔齊相罷之

方空穀

同前

繁弱忘歸

選穉叔夜贈秀才入軍詩左攬繁弱右接忘歸繁弱方也
忘歸箭也

金膏水碧

選入彭蠡湖口詩金膏城明光水碧玉霞流溫金膏似藥也

永碧永玉也

漢食貨志莽大募天下囚徒人奴名曰猪突豨勇註云東方名豕曰猪猪許昌反

猪子巨豕

潘安仁閑居賦玄懷綠微猪子巨豕註云皆豕名

郭索鈎軸

墨客揮毫云林逋詩草泥行郭索雲木叫鈎軸歐陽文忠以謂語新而屬對親切鈎軸鴈鵠聲也郭索鴈行兒也湯雄太元經曰鴈之郭索用心躁也

駢鼻鸛鵒

張易之出塞行駢鼻青鸛鸛鵒紅粉粧又杜詩喚人青

運屯壘尸首反

和黃氏政

莊馬蹄為難是難為仁踐踐為義而天下治最矣難難結反
實私列反難難難行兒一日踐也踐徒計反踊也政履政
反脚根不着地

澶漫拘辟

莊馬蹄篇澶漫為樂摘僻為礼而天下始分矣

罔罟罾笱

莊舄篋篇罟罾笱罔罟罾笱之知多則魚乱於水矣

削格羅落

莊舄篋篇削格羅落置罟之知多則獸乱於澤矣

喬詰卓犖

莊在宥篇於是乎天下始喬詰卓犖而後有盜跖曾史之行

續卷僉囊

莊在宥篇天下不安其性命之情乃始嚮卷僉囊而亂天下也

斲齧挽裂

莊天運篇今取後狙而衣以周公之服彼必斲齧挽裂

鹵莽滅裂

莊則陽篇君為政焉勿鹵莽治民焉勿滅裂

謬悠荒唐

莊天下篇謬悠之說荒唐之言

歐窶汙邪

出滑稽列傳歐窶滿等汙邪滿車窶音叟索隱曰歐窶由杯接也汙邪索隱曰即下田之中有新可滿車

若歛嘆嬰

韓送窮文書欬嚔嚔毛髮盡敗至若呼查反又霍繞反皮骨
相離聲欬詳勿反嚔音憂

犁軒眩人

漢張騫傳大宛諸國以大鳥卵及犁軒眩人獻於漢註云
軒鉅連反眩與幻同即今吞刀吐火之術

撓搶熒惑

上初街反下楚耕切杜詩撓搶熒惑不敢動註云撓搶欬

星熒惑火星

龍從以牙

牙魚嫁反杜王兵馬使二角鷹詩悲臺蕭瑟石龍從哀登
叔牙浩呼洵洙曰潘岳西征賦龍從逼迫註云龍從高大
貌也

又師曰叔牙不齊貌

卷奇字訓釋下

嘍

於邁反老子曰號而氣嘍

駟

符咸反亦作帆唐杜亞曳綉爲駟

褰

古袖字後漢符融傳幅巾奮褰

喝

音謁韓聯句喝道者誰子又史記禹扇喝一云傷暑也

詠

音卓諸也韓聯句拙謀傷巧詠

鉏

士角切鎖足也韓聯句黃鶴足仍鉏

泗

音囚五代史盧文紀曰昔有越人善泗註云人浮水上也

沉

音血宋玉九辨沉寥兮天高而氣清

怍

音萌反宋玉九辨心怍兮諒直

信

音閭宋玉九辨猛犬信

駮

音兒反潘安仁閑居賦駮石雷駮

泚

音半反水涯也王維傳茱萸泚

順

古俯字賈誼過秦論頰首係頸

𦣻

古遙字漢郊祀志遙興輕峯

崔

古堆字漢溝洫志蜀守李冰鑿離堆

鳴

丁老反海中山曰鳴漢田儆傳入海居鳴中

熱

之涉反不動貌漢朱博傳豪強熱服

軟

音朔口喲也韓聯句酒醪欣共軟

𦣻

玉篇云與𦣻同

禡

音乃宗廟主也

艘

音艘船之摠名

輶

音雷擊也

撫

與模同規也法也

謏

先了切禮記足以謏聞

弼

音弼

突

𦵏

音查室東南隅曰突又一叫反深也

音木思貌一曰毛濕鮑宣書極竭羣二之思

𦵏

與鑷同鑷取之器

噓

呼陌反揚子通諸人之噓二

貫

神反反除貫也漢汲黯傳從民貫馬又韻畧一音始制反

貧也

獲

𦵏縛反度也

𦵏

知立反絆也今為繫

尉

音尉捕鳥網也見南史謝朓傳

伏

悉枕反恐見韓鱸魚文似二現二

魏

乃侯反出韓毛穎傳註云論衡曰兔舐毫而孕及其生子從口而出名曰媯芳萬反郭云俗呼曰魏

媯

且倫反出同前註云媯兔

嬾

與嬾同力曾反後王丹農時載酒肴於田間勤者勞之其
隨嬾者耻不致

集

所留反乾魚也周礼天官

取譬精語類

學止邯鄲

漢班氏叙傳云昔有孝步於邯鄲者曾未得其髮髻又復失其故步遂匍匐而歸耳

衣繡夜行

朱買臣傳富貴不歸故鄉如衣繡夜行又見後景丹傳

叢輕折軸

漢中山靖王傳叢輕折軸羽翮飛肉註云積載輕物物多至今車軸折鳥之所以能飛翔者以羽翮扇揚之

爲虎爲鼠

後實憲傳東方朔稱用之則爲虎不用則爲鼠

山有嘉樹

漢書見魏傳山有猛獸麋鹿集為之不來國有忠臣姦邪為

衆煦漂山

甫中山靖王傳衆煦漂山衆蟲成雷註云煦誰句反口吐

沫也漂必遙反蟲古蚊字

民蠱宵見

中山靖王傳白日曬光幽隱皆照明月曜夜蟲蠱宵見然

雲丞列布杳冥晝昏塵埃不覆昧不見泰山何則物有蔽

之也拂音鋪

徵葵吹壑

唐傳亦傳徵沸葵者吹兮葵傷弓之鳥驚曲木

獨煙江阿

後張儉傳以區二一掌獨煙江河多見其不智也

一箕障江

前漢區二一箕障江河

渭以涇濁

後何顓蒼渭以涇濁玉以磬矣

洪爐燎毛

後何進傳猶鼓洪爐燎毛髮耳

係風捕景

漢郊祀志如係風捕景終不可得

木起忽青

後于鴻傳壞屋破蔽之水源自涓涓千雲蔽日之木起於

忽青

乾皮含血

後趙書傳使乾皮復含血枯骨復被肉
收之桑榆

後漢馮異傳可謂失之東隅收之桑榆

洪炎樂山

李白雪謠詩洪炎樂山發自纖煙滄波湧日赴乎微消

猶對面語

庾房元齡傳千里外猶對面語

脣竭齒寒

莊肱鑿齒脣竭則齒寒又脣竭則齒寒

川竭谷虛

莊肱鑿齒川竭而谷虛在夷而淵實

川夷淵實

同前

淒然似秋

莊大宗師篇淒然似秋煖然似春

求馬唐肆

莊田子方篇是求馬於唐肆註云唐肆非停馬處也

槁木死灰

莊庚桑楚篇身若槁木之枝而心若死灰

飢者甘糟糠

漢朱邑傳猶飢者甘糟糠穰歲餘肉肉何則有亡之勢異也

見彈求鷄炙

莊齊物論見卵而求時夜見彈而求鷄炙

邪徑不忍投步

後漢張衡傳擬徑邪衡教不忍以投步于進可也

以歌有註云歌亦贊也

弩未不入曹錫

漢韓安國傳衝風之衰不能起毛羽彊弩之末不能入魯縞

明鏡不可形逃

漢王恢云早木遭霜者不可以風過清水明鏡不可以形逃

千里差自毫端

後匈奴傳論千里之差與

端失德之原一日世不廢矣

附枝大者賊本心

漢蕭望之傳附枝大者賊本心私家盛者公室危

木以不材終其天年

莊山木篇而此木以不材得終其天年

鷦鷯巢林不過一枝

莊逍遙游金鷄鷦鷯巢於深林不過一枝偃鼠飲河不過滿

腹

同前

覆水勘堂亦為之舟

莊逍遙游覆水於勘堂之上則亦為之舟